


鞞婆沙論

卷六

四百二十
洛六

50917



元祿九年丙子二月日重脩

皇圖鞏固 帝階綴昌

佛日增輝 懋譽輪常轉

山城州天安寺法金剛院置

Vertical text on the right edge, possibly a library or collection stamp, written in a cursive or semi-cursive style.

鞞婆沙論卷第六

迦旃延子造

符秦罽賓三藏僧伽跋澄譯

洛

十二入處第十八

十二入者眼入色入耳入聲入鼻入香入舌入味入身入細滑入意入法入問曰何以故彼作經者依十二入而作論答曰彼作經者

意欲令如所欲如是作經與法不相違以是故依十二入而作論或曰彼作經者



曰何以故彼作經者無事答曰此是佛契經彼契經有生聞梵志彼中食後彷徨遊行至世尊所到已共世尊面相慰勞已在一面坐一面坐已生聞梵志白世尊曰瞿曇我欲少

有所問聽我所問當爲我說世尊告曰梵志
隨所欲問梵志曰瞿曇一切謂一切瞿曇一
切有幾所云何瞿曇一切一切有施設而施
設世尊告曰汝梵志有十二入從眼入至法
入此梵志有尔所一切如是如來一切施設
而施設梵志若如是說此非一切如沙門瞿
曇所施設我捨此一切更施設餘一切者彼
但有言數問已不知增益生癡何以故如非
境界問曰若有作是說尔所一切謂十八界
尔所一切謂五陰及無爲尔所一切謂四聖
諦及虛空非數緣盡尔所一切謂名及色此
亦但有言數問已不知增益生癡如非境界

耶荅曰此不然問曰若不然者此云何荅曰
此說除義不說除味此說除施設義不說除
施設味謂一切法性彼盡攝十二入中若有
作是說我捨十二入義更施設義者彼終不
能施設是故此說除義不說除味此說除施
設義不說除施設味說者此十二入妙說使
說最說上說問曰何以故此十二入妙說使
說最說上說荅曰謂此入不亂說及攝一切
法界者雖攝一切法但是亂說謂一心立七
心界陰雖非亂說但彼不攝一切法謂攝有
爲不攝無爲此入非是亂說及攝一切法或
曰謂此入中說及攝一切法界者雖攝一切

法但是廣說陰者不攝一切法亦非中說此
入是中說及攝一切法以是故說者十二入
妙說快說最說上說以是故作此論欲觀一
切法者彼當依十二入觀依十二入觀已生
十二入法明及現十二義像如人瑩磨十二鏡
自觀其像彼一切十二鏡中見其像如是欲
觀一切法者彼當依十二入觀依十二入觀
已生十二法明及現十二義像此入一身一
意可得但有行若干差降如十二人一家可
得但行各各異如是十二入雖有一身一意
可得但有行若干差降此是入性已種相身
所有自然說性已當說行何以故說入入有

何義答曰輸門義是入義輸道義藏義倉義
標義機義田義泉義流義海義白義清義是
入義輸門義是入義者如村城國些言輸可得
令王宮豐富如是依及緣心心數法可得謂
長養衆生是謂輸門義是入義輸道義亦亦
藏義是入義者如藏中有金銀琉璃摩尼可
得謂益衆生如是此依及緣心心數法可得
謂長養衆生是謂藏義是入義倉義是入義
者如倉中飲食具可得謂長養衆生如是依
及緣心心數法可得謂長養衆生是謂倉義
是入義標義是入義者如此標下百千衆生
斷其命如是此依及緣中衆生無常所滅是

謂標義是入義機義是入義者如因機織施
經緯如是因此依及緣心心數法施設是謂
機義是入義田義是入義者如田中生種種
穀謂長養衆生如是此依及緣心心數法可
得謂長養衆生是謂田義是入義泉義是入
義者如彼契經有天到世尊所以偈而問

泉從何轉何轉不轉何所苦樂無餘滅盡
世尊以偈答曰

眼耳及鼻舌身并意泉從是轉此轉不轉
此苦及樂無餘滅盡

是泉義是入義流義是入義者如彼契經有
天到世尊所以偈而問

流一切流 以何制流 說防護流 以何塞流
世尊以偈答曰

謂世諸流 念者制流 我說防流 以慧塞流
是謂流義是入義海義是入義者如彼契經
說比丘海海者凡愚所未聞凡人口說也彼
非此聖法中海是大積聚水數

眼是入大海 彼色為濤波 若忍色濤波
彼不度眼海 濤波所迴轉 邪魅羅刹持
耳鼻舌身亦尔

意是入大海 彼法為濤波 若忍法濤波
彼不度意海 濤波所迴轉 邪魅羅刹持
是謂海義是入義清白義是入義者此說白

清亦尔輕故彼外書說亦名地亦名作如彼
契經異學摩竭檀提說沙門瞿曇地壞地已
壞何所作是謂輸門義是入義輸道藏義倉
義標義機義田義泉義流義海義白義清義
是入義共行說已當說別行眼入云何荅曰
謂眼色已見當見今見及此餘所有已見過
去當見未來今見現在及此餘所有者謂彼
眼識或空或不空如眼入耳鼻舌身意入亦
尔問曰色入云何荅曰謂色眼已見當見今
見及此餘所有已見過去當見未來今見現
在及此餘所有如入色聲香味細滑亦尔問
曰何以故說色入如十色入何以故說一色

入蒼白色入者是一名餘者二名色入者同名餘入者同不同名彼說不同名或曰色入者二眼界是說色入或曰色入者三眼界肉眼天眼聖慧眼是說色入餘入者非三眼界是故不說色入或曰色入者二眼界及眼識緣是說色入餘入者非二眼界亦非眼識緣是故不說色入尊者瞿沙亦亦說二眼界故及眼識緣故說一色入或曰謂色入者能斷壞是說色入餘入者不能斷壞是故不說色入或曰色入者大礙能捨是說色入餘入者非大礙亦不能捨是故不說色入或曰色入者方所有及施設方由延所有及施設由延

方所有者方色入所有方施設者因色施設
方由延所有者由延色入所有由延施設者
因色施設由延謂色入方所有及施設方由
延所有及施設由延是說色入餘入者非方
所有亦非施設方非由延所有亦非施設由
延是故不說色入或曰謂色入者二十種二
十一種是說色入餘入者非二十種亦非二
十一種是故不說色入或曰色入者可施設
住此住彼是說色入餘入者不可施設住此
住彼是故不說色入或曰色入者色名及色
所有是說色入餘入者雖色所有但非色名
是故不說色入有法非色所有但墮色名如

所說謂彼息解脫度色無無色如是色正受
身作證遊行此說十一種是細滑入何者四
大軟澁輕重寒熱飲食飢渴是謂十一種是
細滑入問曰何以故說細滑入爲有所觸是
細滑入耶爲性細滑是細滑入耶爲細滑緣
是細滑入耶若有所觸是細滑入者不應極
微觸極微若性細滑是細滑入者心心數法
亦性細滑非觸細滑若細滑緣是細滑入者
應心心數法緣細滑入非細滑緣細滑作此
論已荅曰有所觸是說細滑入問曰不應極
微觸極微荅曰不可施設一極微若施設者
多合聚已施設或曰謂因身觸謂因身觸者

是說觸尊者婆須蜜說曰極微當言觸耶當
言非觸耶荅曰當言非觸但等諦交易故便
有觸想尊者曇摩多羅說曰諸尊極微者當
言不觸但色合無中間故觸則有想如等設
交易故問曰謂水中影鏡中像是實耶非實
耶若實者面不入鏡中鏡亦不入面中除此
已云何更有色譬喻者說曰非是實問曰何
以故非實荅曰所謂面不入鏡中鏡亦不入
面中除此已云何更有色阿毗曇者說曰實
有種相是色入及眼識所知問曰如面不入
鏡中鏡亦不入面中除此已云何更有色荅
曰我無量種成色非是一種如緣月及陰燧

珠緣器便得水此真實水用事如緣日及陽
燧珠燧鑽緣牛糞人方便便得火真實用火
事如是謂水中影鏡中像實有種相是色入
及眼識所知問曰如呼聲響應彼是實耶爲
非實耶若是實者謂此發聲即滅除此已去
何更有聲譬喻者說曰非實問曰何以故非
實答曰此間發聲即滅除此已去何更有聲
阿毗曇者說曰實有種相是聲入及耳識所
知問曰如此發聲彼即滅除此已去何更有
聲答曰我無量種成聲非是一種謂頰噓斷
咽舌齒相緣而發聲問曰法入去何答曰謂
法意識已知當知今知已知過去當知未來

今知現在問曰如一切十二入盡是法性何以故說一法入答曰如是雖一切十二入是法性但有一法處所如十八界雖是法性但有一法界處所十智雖是法性但有一法智處所七覺意雖是法性但有一擇法覺意處所六思念雖是法性但有一念法處所四意止雖是法性但有一法意止處所四辯雖是法性但有一法辯處所四信雖是法性但有一信法處所三寶三自歸雖是法性但有一法寶一法歸處所如是十二入雖是法性但有一法入處所或曰法入者是一名餘入者有二名法入者同名餘入者同不同名被說

不同名或曰謂彼法常入不異生者無常不
壞謂滅盡涅槃彼入法入中是故說一法入
或曰謂一切有爲法封印想謂三有爲相彼
入法入中是故說一法入或曰謂一切有爲
法說顯現誦習謂名彼入法入中是故說一
法入或曰謂覺法是法不覺是我謂空三昧
彼入法入中是故說一法入問曰身見亦入
法入中謂覺法是我何以故不因身見說法
入耶荅曰此非如如覺身見是如如覺空三
昧是謂因空三昧故說法入非身見或曰此
法可得如風所從來此名風入如是法入中
法可得是故說法入或曰多法可得故說一

法入法入中多有法入謂色法無色法可見
法不可見法有對法無對法相應法不相應
法依法不依法行法不行法身法不身法共
緣法不共緣法是謂多法可得故說一法入
如佛契經內六入前說眼入後說乃至意入
外六入前說色入後說乃至法入問曰何以
故世尊內六入前說眼入後說乃至意入外
六入前說色入後說乃至法入答曰他說隨
順故如是他說隨順如是應味次第順或曰
世尊順說故他亦順受故佛說如是順受亦
如是順或曰因鹿細故內六入何者最麁眼
入是是故佛前說何者最細意入是是故佛

最後說外六入何者最麁色入是是故佛前
說何者最細法入是是故佛最後說是因麁
細故佛契經內六入前說眼入後說乃至意
入外六入前說色入後說乃至法入佛契經
說比丘此岸者內六入是比丘彼岸者外六
入是問曰何以故佛契經內六入說此岸外
六入說彼岸答曰近遠法故如河近者此岸
遠者彼岸如是謂心心何依者近緣者遠是
謂近遠法故或曰下上法故如河謂所下處
是此岸所上處是彼岸如是心心法所依下
所緣上是謂下上法故或曰彼岸者第一義
滅盡涅槃彼攝外入以是故佛契經內六入

說此岸外六入說彼岸問曰去何河答曰心
心法是如何兩岸所持衆生數非衆生數漂
流入大海如是心心法河內外入岸所持漂
流衆生入生死海問曰去何船答曰聖道是
如依船我無量衆生而得度河如是依聖道
船我無量衆生度生死河佛契經說六入當

知內六更樂入當知內問曰如此外亦當知
何以故卍尊說六入當知內六更樂當知內
答曰卍尊於契經中說內觀卍尊說內入諸
根意莫向外前內想內身身觀後外後內外
是前內觀故或曰卍尊教弟子不顛倒觀故
卍尊說曰莫顛倒觀常樂淨我當觀無常苦

空無我因習本緣以聖八行破壞有是謂不
顛倒觀故或曰世尊教弟子不共觀故世尊
說莫共觀鹿洩當觀如病癰箭蛇無常苦空
無我內八更樂火燒有是不共觀故或曰佛
契經說內意止問曰何以故佛說內意止答
曰爲我故計有我是吾作是我作愛我已便
有愛具長養內故求外具以是故佛契經說
六入當知內六更樂入當知內問曰六入六
更樂入何差別一說者無差別六入者眼入
耳鼻舌身意入六更樂入亦眼入耳鼻舌身
意入是故無差別更有說者有差別謂近者
是六入謂遠者是六更樂入問曰如汝說六

入者是現在六更樂者。過去未來更有說者。謂近者是六更樂。謂遠者是六入。問曰。如汝說六更樂入。是現在六入者。是過去未來。或曰。謂當行時轉。是六更樂入。餘者是六入。或曰。謂依六入作行。是六入。謂依六更樂作行。是六更樂入。或曰。謂所有是六更樂入。餘所有者是六入。如說比丘鉢。彼性是鉢。如比丘用事。是故說比丘鉢。如是謂所有是六更樂入。餘所有者是六入。尊者陀羅難提說曰。性入者。是六入。行入者。是六更樂入。如說鐵酥鉢。性是鐵鉢。如依酥用事。是故說鐵酥鉢。如是性入者。是六入。行入者。是六更樂入。佛契

經說二入無想衆生及有想無想天問曰何以故佛契經說二入無想衆生及有想無想天答曰餘地二種名一者識住二者衆生居欲令二入中作二名謂此雖有衆生居名但無識住名是謂二名故佛契經說二入無想衆生及有想無想天或曰佛契經衆生居識住處等施設已謂衆生居於識住中不攝彼立二入無想衆生及有想無想天或曰多壽故一切凡夫處所無有衆所壽如無想天一處所無有衆所壽如有想無想天是謂多壽故佛契經說二入無想衆生及有想無想天或曰斷異學意故異學二入中計意解脫

想世尊說此是生死入非是解脫是謂斷異
學意故佛契經說二入無想衆生及有想無
想天或曰行法故異學於二入中計意無行
解脫世尊說此中復行諸界諸趣諸生輪轉
生死中是謂行法故佛契經說二入無想衆
生及有想無想天或曰退轉法故異學於二
入中計意不退轉解脫世尊說此中復退轉
諸界諸趣諸生輪轉生死中是謂退轉法故
佛契經說無想衆生及有想無想天此佛契
經尊者舍利弗到世尊所已而說曰世尊此
無上事謂世尊施設入彼世尊無餘智無餘
分別更無無上智謂餘智若沙門婆羅門等

等覺問曰。今所一切。謂十二入尊者舍利弗。非一切智。非一切見。云何知今所一切。謂十二入。答曰。說無餘。故知如佛契經說。十一入已後。說法入尊者舍利弗。意決定諸法未說。未現。彼一切當知。在入中。或曰。以妙願智觀已。知或曰。以相貌知。如佛契經說。今所一切。謂十二入尊者舍利弗。得無壞信。彼世尊所說。倍極信。以故知今所一切。十二入是謂相貌。知也。問曰。云何尊者舍利弗。相貌知。非現知。耶。答曰。現知亦知。尊者舍利弗。因十二入。故亦知一切法。問曰。若尊者舍利弗。因十二入。故亦知一切法。佛舍利弗。有何差別。答曰。

佛世尊一切知盡知尊者舍利弗雖一切知
但不能盡知或曰尊者舍利弗揔十二入
知一切法非一一相佛世尊知揔相亦知一
一相有無量內入謂尊者舍利弗從他如世
尊說此契經舍利弗以何口說此妙一向師
子吼更無有沙門婆羅門於世尊等等覺何
況出上尊者舍利弗白世尊曰躬從世尊聞
躬自受持如如來所說阿難無有此處前後
有二如來興出世無有是處問曰去何世尊
爲受化說界去何入答曰世尊教化一切法
中無智或非一切法中無智謂一切法爲說
界非一切法中無智者爲說入或曰世尊教

化或利根或鈍根利根者爲說入鈍根者爲
說界或曰世尊教化或大因力或多緣力大
因力者爲說入多緣力者爲說界或曰世尊
教化或多內力或多外力內多力者爲說入
外多力者爲說界或曰世尊教化內思念長
養身或從他聞內思念長養身者爲說入從
他聞者爲說界或曰世尊教化或始聞則知
或分別知始聞知者爲說入分別知者爲說
界或曰於界有愚爲說界於入有愚爲說入
或曰有猗性者爲說界性義是界義猗財物
者爲說入輸門義是入義如是世尊教化爲
說界如是教化爲說入廣說十二入處盡

鞞婆沙五陰處第十九

五陰者色陰痛陰想陰行陰識陰問曰色陰
云何荅曰佛契經說色陰云何諸所有色過
去未來現在若內若外若麤若細若惡若妙
若遠若近彼一切非我我非彼非是我如是
以慧如真實觀是謂色陰如是更有契經說
色陰云何諸所有色彼一切四大及四大造
色阿毗曇中說色陰云何十色入及諸色在
法入中問曰此三種說何差別荅曰一切三
說中各各斷意問曰謂契經說色陰云何諸
所有色過去未來現在若內若外若麤若細
若惡若妙若遠若近彼一切非我我非彼非

是我如是以慧如真實觀於中斷何意答曰
是時彼異學牢羅尸棄過去未來欲令非種
欲斷彼意故契經說色陰云何諸所有色過
去未來現在若內若外乃至如是以慧如真
實觀問曰如所說色陰云何諸所有色彼一
切四大及四大造色於中斷何意答曰觀當
來故佛世尊說契經一切智善覺善見過去
未來現在我般涅槃後當來世必有謂離四
大不欲令有造色欲斷彼意故契經說色陰
云何諸所有色彼一切四大及四大造色問
曰如所說色陰云何十色入及諸色在法入
中於中斷何意答曰彼時有尊者曇摩多羅

謂法入中色不欲令有種問曰何以故尊者
曇摩多羅謂法入中色不欲令有種答曰彼
說謂色因五識身五識身緣是謂色彼在法
入中色非因五識身非五識身緣是故彼非
色欲斷彼意故說數色陰云何十色入及諸
色在法入中問曰若尔者尊者曇摩多羅所
說云何通彼說謂色因五識身五識身緣是
謂色彼在法入中色非因五識身非五識身
緣答曰可說謂非因五識身但六識身緣彼
在法入中色雖不因五識身亦非五識身緣
但因意識身意識身緣或曰雖彼在法入中
色非因五識身亦非五識身緣但彼因依緣

依問曰云何彼依答曰四大也問曰痛陰云
何答曰佛契經說痛陰云何六身痛此如契
經所說阿毗曇亦介問曰想陰云何答曰佛
契經說想陰云何六想身此如契經所說阿
毗曇亦介問曰行陰云何答曰佛契經說行
陰云何六思身阿毗曇說行陰云何答曰行
陰二種一者心相應二者心不相應問曰心
相應行陰云何答曰痛想思更樂憶欲解脫
念定慧善根不善根無記根結縛使煩惱纏
所知所見所觀如是諸所有心相應行是謂
心相應行陰問曰云何心不相應行陰答曰
得無想定滅盡定無想定命根種類得處得種

得入生老無常名身句身味身如是諸所有
心不相應行是謂心不相應行陰問曰何以
佛世尊一切相應不相應行陰中一思立行
陰耶答曰此思施設行時攝受種是故佛一
切相應不相應行陰中一思立行陰如愛施
設習時攝受種是故佛一切有漏種一愛立
習諦如是此思施設行時攝受種是故佛一
切相應不相應行陰中一思立行陰問曰識
陰云何答曰佛契經說識陰云何六識身此
如契經所說阿毗曇亦亦此是陰性已種相
身所有自然性說已當說行何以故說陰陰
有何義答曰聚義是陰義團義積義檢義世

施設陰施設多語是陰語聚義是陰義者諸
所有色過去未來現在彼一切一向檢已立
一色陰如是至識陰是謂聚義是陰義團義
是陰義者無量有爲種團合已立五陰是謂
團義是陰義積義是陰義者猶糞積聚種種
積如是陰種種積檢義是陰義者諸所有色
過去未來現在若內若外若麤若細若惡若
妙若遠若近彼一切一向檢已立一色陰乃
至識陰亦尔是謂檢義是陰義也施設陰施
設者謂色陰三也乃至識陰亦三也施設
陰施設多語是陰義者謂色多語乃至識
陰亦多語問曰如汝說一極微不應有色陰

順或曰世尊說隨順受教者亦順或曰麤細
故五陰中何者最麤色陰是是故佛前說四
無色陰何者最麤痛陰是是故佛前說問曰
此痛無形無處亦不可見云何麤細可知答
曰行故知如所說手痛足痛頭痛如是如是
痛是行故知有麤細何者最細識陰是是故
佛後說以是故佛與經前說色陰後說至識
陰問曰何故心數法中痛陰想陰別立陰餘
心數法立行陰答曰佛世尊於法真諦餘真
無能過彼盡知法相盡知行謂法獨能擔彼
別立謂品能擔彼立品或曰此現二門二略
二度二炬二光二明現二數如痛陰想陰別

立陰如是餘心數法亦應立如餘心數法立
一行陰如是痛想亦立行陰中如是陰或立
三或十三是故說此現二門二略二度二炬
二光二明二數或曰謂此二界宗因痛宗禪
因想宗無色或曰謂因二法行者二界多求
疲勞因痛於禪疲勞因想於無色疲勞或曰
謂因二法衆生生死中受無量苦貪於樂痛
及著顛倒想或曰謂二法滅立二定無想定
及滅盡定或曰謂二法治故彼行者入二定
無想定及滅盡定或曰謂此二法別受二識
住名痛識住及想識住餘心數法一行識住
以是故一切心數法痛陰想陰別立陰餘心

數法立一行陰問曰何以故說行陰如一切
五陰有爲何故立一行陰答曰謂彼思有爲
想此入中是故說行陰或曰謂彼一切有爲
法封印想謂三有爲相彼入中是故說一行
陰或曰謂一切有爲法顯現誦習謂名彼盡
入中是故說一行陰或曰謂一切有爲法因
習本緣謂生彼盡入中是故說一行陰或曰
多法合聚故說一行陰多有法入此中相應
不相應依不依行不行身不身共緣不共緣
是謂多法合聚故說一行陰問曰無爲何以
故不立陰中答曰謂非陰名亦非陰性非色
名亦非色性是故不立色陰中非痛名亦非

痛性是故不立痛陰中非想名亦非想性是
故不立想陰中非行名亦非行性是故不立
行陰中非識名亦非識性是故不立識陰中
若作是念者何以故不立行中陰者多有種
多種者非無爲或曰陰者墮生老無常無爲
者無生老無常或曰陰者興衰法有因得有
爲相無爲者非興衰法無因得無爲相或曰
陰者世迴轉作行受果知緣無爲者非世迴
轉不作行不受果不知緣或曰陰者墮於世
無爲者不墮世或曰陰者墮於陰無爲者離
於陰或曰陰者苦所縛無爲者離苦縛或曰
陰者軟中上無爲者無軟中上或曰陰者前

後可得無爲者無前後以是故無爲不立陰
中彼佛契經說八万法身問曰法身者有何
齊限數有一說者一數經名法身謂彼一身
是謂一身齊限數如是至一切八万更有說
者謂契經說意止此是一法身齊限數如是
契經說意斷神足根力覺種道種是謂一法
身齊限數如是至一切八万筭者說八字一
句三十二字爲一首盧數

有五百千

亦復五千

五百五千

一法身數

如是至八万如是說者佛契經教化故說八
万度謂度變化於聖道得度彼八万度名八
万法身問曰謂此有尔所身何以故立五陰

身荅曰彼一切入五陰身中謂欲者佛語教
性彼盡入色陰中謂欲者佛語名性彼盡入
行陰中是故一切八万法身盡入五陰中此
佛說契經謂餘五陰身戒身定身慧身解脫
身解脫知見身問曰如此餘五陰身何以故
立五陰荅曰彼亦盡入中戒身入色陰中餘
者入行陰中以是故佛契經說五陰廣說五
陰處盡

鞞婆沙五盛陰處第二十

五盛陰者色盛陰痛盛陰想盛陰行盛陰識
盛陰問曰色盛陰云何荅曰謂色過去未來
現在欲生而生恚怒癡及餘若干心煩惱生

而生彼欲生而生者愛是恚者瞋是癡者無
明是及餘若干心煩惱生而生者謂彼心相
應煩惱說曰此不應說恐生而生問曰何以
故荅曰恐者無智性謂衆生無智彼便恐更
有說者恐者身見性謂衆生計有我彼便恐
此亦入中如所說及餘若干心煩惱如是說
者此恐應說問曰何以故荅曰恐者心數法
心相應問曰此恐何所荅曰在欲界非色無
色界問曰若色無色界無恐者彼契經云何
通彼風吹火至梵處謂衆生生光音天不久
未曾見世間成敗不知世間成敗彼見火已
恐怖驚愕身毛豎火不來至此耶謂衆生前

生光音天彼見世間成敗彼知世間成敗見
火已慰勞彼衆生諸衆生勿恐怖諸衆生勿
恐怖是火極至彼不至此如汝所說色無色
界恐怖者此云何通如是餘偈云何解

世尊知一切

說法成就眼

如來人師子

世中無比士

彼時長壽天

名稱色微妙

聞已驚恐怖

如鹿畏師子

若色無色界無恐怖者此云何通答曰恐怖

者此說厭問曰恐怖厭者何差別答曰名即

是差別此恐怖彼厭是謂差別或曰恐怖者

欲界厭者三界或曰爲結障礙恐怖爲善根

障礙是厭尊者婆須蜜說曰恐怖及厭何差

別答曰爲結障礙是恐怖爲善根障礙是獸
重說曰爲不善法障礙是恐怖爲善法障礙
是獸重說曰二諦攝是恐怖三諦攝是獸重
說曰無智性是恐怖慧性是獸尊者曇摩多
羅說曰諸尊思念惡起諍是恐怖諍已心懼
相是獸恐怖及獸是差別問曰恐怖者爲凡
夫爲聖人答曰恐怖者凡夫非聖人問曰何
以故恐怖者凡夫非聖人耶答曰彼聖人恐
怖已盡更有說者凡夫亦有恐怖聖人亦有
恐怖問曰如聖人恐怖已盡何所有恐怖答
曰有五恐怖死恐怖惡趣恐怖不活恐怖惡
名恐怖衆中恐怖此五恐怖聖人已盡餘恐

怖聖人未盡聖人者須陀洹斯陀含阿那含
阿羅漢辟支佛非佛何以非佛答曰如來無
所著等正覺恐怖永盡如色盛陰痛想行識
盛陰亦尔此是盛陰性已種相身所有自然
說性已當說行何以故說盛陰盛陰有何義
答曰受所生是故說盛謂生受是故說盛受
所養是故說盛謂養受是故說盛受所長是
故說盛謂長受是故說盛受所來是故說盛
謂來受是故說盛受所持是故說盛謂持受
是故說盛受所等持是故說盛謂等持受是
故說盛或曰受所轉是故說盛謂轉受是故
說盛或曰受著此中如塵垢是故說盛或曰

受於此中所攝是故說盛或曰此是受屋室
居處依此已愛生而生見慢無明及餘若干
心煩惱生而生或曰此受所有是故說盛如
外職所有如內職所有如王所有如是此受
所有是故說盛但內更無所有若有問者汝
屬誰謂作是答我是受所有或曰受所廣施
設是故說盛謂廣施設受是故說盛廣者說
痛爲名此盛陰界中不別施設地中不別施
設除其意謂因我陰餘得盛陰名因餘陰我
得盛陰名若此意不別施設者此外物不可
施設陰以故尔問曰陰及盛陰何差別答曰
名即是差別彼陰此盛陰或曰陰有漏無漏

盛陰一向有漏或曰陰染汚不染汚盛陰一
向染汚或曰陰攝三諦盛陰攝二諦或曰陰
或斷或不斷盛陰一向斷或曰陰或愛相應
或不相應盛陰一向相應或曰陰得或結相
應或不相應盛陰得一向結相應不離結或
曰陰或學或無學或非學非無學盛陰一向
非學非無學陰及盛陰是謂差別廣說五盛
陰處盡

鞞婆沙六界處第二十一

六界者地界水界火界風界空界識界問曰
何以故作此論答曰此是佛契經此佛契經
十八界摠已說六界問曰何以故此佛契經

十八界揔已說六界荅曰爲教化故世尊教化或有利根或有鈍根利根者說六界鈍根者說十八界如利根鈍根如是因力緣力內力外力內思惟長養從他聞盡當知或曰略者說六廣者說十八如略如廣如是分別不分別卷及舒段不段漸漸一時盡當知以是故作此論六界者地界水界火界風界空界識界此六界於十八界中攝十界七界少所入攝十界者四大及空界攝十界眼界色界耳界聲界鼻界香界舌界味界身界細滑界七界少所入者識界攝七心界少所入謂彼有漏無漏謂有漏者攝無漏者不攝是故少

所入六界者地界水界火界風界空界識界
問曰地界云何荅曰佛契經說地界云何堅
是此佛揔說地界云何堅是但彼堅無量差
別內異外亦異外異者如此屋墻壁樹木巖
石山金銀琉璃摩尼水精珠銅鐵鈆錫白蠟
內異者如髮毛爪齒筋骨脾腎心肝腸胃腹
大小便手足異及餘肢節異足極堅非手謂內
外堅彼一切揔已說地界云何堅是問曰水
界云何荅曰佛契經說水界云何濕是此佛
揔說水界云何濕是但彼濕無量差別內異
外亦異內異者如此目淚涎唾膏肪髓腦膽
膿血小便液節間各異外異者涌泉深淵流

水潭水河水池水大海至下水輪謂內外濕
彼一切揔已說水界云何濕是問曰火界云
何荅曰佛契經說火界云何熱是此佛揔說
火界云何熱是但彼熱無量差別內異外亦
異內異者令身熱身溫暖身繞身焦熱得名
數飲食噉味令身安隱手足各異肢節亦異
外異者如炬火燈火大聚火極大火鑽火泥
梨火沃焦火謂內極利非外謂此飲食舉著
釜中極煮色不變食入腹中已色即變謂內
外熱彼一切揔已說火界云何熱是問曰風
界云何荅曰佛契經說風界云何謂吹起是
此佛揔說風界云何吹起是但吹起無量差

別內異外亦異內異者下風上風肢節風腹
中風刀風脊風起風屈申風喘息風百脉風
肢節間各異外異者如塵土風無塵風隨藍
風飄風成敗風不成敗風至風輪謂內外吹
起彼一切摠已說風界云何吹起是問曰空
界云何荅曰佛契經說空界云何謂色邊色
謂色者造色是於彼間施設如眼空耳空鼻
空口空咽喉咽喉空飲食來往處空住消處
空下過處空更有說者空界云何空邊色是
此說空色不空色不空色者衆生數空色者
非衆生數謂彼空非衆生數色邊施設如樹
間葉間墻間屋間牖間戶間是謂空非衆生

數色邊施設舊阿毗曇說皮性膜性肉性筋
性骨性髓性色可知處亦可知尊者婆須密
說曰云何知有空界答曰契經可知世尊亦
說謂此空中空謂所色覆所不覆問曰云何
契經可知非現知耶答曰現亦可知謂晝所
有明是空界所有謂夜所有闇是空界所有
重說曰形可知處亦可知重說曰夜闇障故
不見晝明障故不見尊者曇摩多羅說曰諸
尊空界雖不可知但非無智處空界是色非
非是色亦非此任非彼任亦非空者相貌聲
世轉可知問曰空空界何差別答曰空者非
色空界是色空者不可見空界者可見空者

無對空界者有對空者無為空界者有為問
曰此論中更有論生若空無為者此契經云
何通彼時世尊手捫摸空手捫摸空已告諸
比丘比丘於意云何手寧著此空縛空受空
不答曰不也世尊若空無為者何以故世尊
以手捫摸無為耶如是餘契經偈云何通

謂無積聚亦無我所空則無想於離中行

如鳥飛空足跡難尋

此云何通如是餘契經偈云何解

此空無足跡如外無沙門

此云何通耶如是餘契經云何通於比丘意

云何若巧畫師畫弟子寧能以色莊染此虛

空不答白不也世尊何以故唯世尊此虛空
非色不可見無對是故巧畫師畫弟子不能
以色莊染此虛空此云何通如是餘偈云何解
如鹿依林 鳥飛虛空 法歸分別 真人趣滅
此云何通答曰謂世尊契經說於比丘意云
何手寧著此空縛空受空不答曰不也世尊
此佛契經以虛空界說虛空如佛所說契經偈
謂無積聚 亦無我所 空則無想 於離中行
如鳥飛空 足跡難尋

此佛契經偈虛空即說虛空如佛所說契經偈

此空無足跡 如外無沙門

此佛契經偈虛空界說虛空如佛契經說於

比丘意云何若巧畫師畫弟子寧能以色莊
染此虛空不答曰不也世尊唯世尊此虛空
非色不可見無對是故巧畫師畫弟子不能
以色莊染虛空此佛契經以虛空界說虛空
如佛契經說偈

如鹿依林 鳥飛虛空 法歸分別 真人趣滅

此佛契經說偈以虛空界說虛空問曰彼虛
空此虛空界為緣故任耶為起故任耶作此
論已有一說者亦非緣故任亦非起故任問
曰若不尔者此云何答曰彼虛空此普散虛
空界與次第緣普散虛空界次第四大四大
次第心數法若有欲虛空界非種者謗彼尔

所法展轉問曰識界云何答曰有漏意及六
識問曰無漏法何以不立六界中答曰無漏
法者能滅壞破有此界增受長養有或曰無
漏法者能斷有相續能斷輪轉生老死此界
者能相續有輪轉生老死或曰無漏法者非
身見種非顛倒種非愛種非使種非貪處非
恚處非癡處非雜污非雜毒非雜濁非在有
不墮苦習諦此界者身見種顛倒種愛種使
種貪處恚處癡處雜污雜毒雜濁在有墮苦
習諦或曰無漏法者苦盡趣道有盡趣道貪
盡趣道盡生老死趣道此界者苦習趣道有習
趣道貪習趣道生老死習趣道以是故無漏

法不立界中尊者婆須蜜證則何以故此界
說有漏答曰此界有漏所生非無漏法有漏
所生重說曰此生於有漏不無漏法生於有
漏重說曰界者士數非無漏法士數重說曰
界者報數不無漏法報數重說曰界者入母
胎如所說因此界入母胎非因無漏法入母
胎重說曰界者久時住不無漏法久時住是
故說數

二漏為士數及報應母胎久住作界滿偈
問曰陰盛陰界何差別答曰陰者已成勢盛
陰者轉勢界者重轉勢或曰陰者施設有為
盛陰者施設行界者施設有漏陰盛陰界是

謂差別廣說六界處盡

鞞婆沙論卷第六

洛

瑩磨

光上紆定反也

擿

反必苗

貲輸

斯上子反

經緯

謂下音

邪魅

二下眉反

陰燧

作下音遂非

頰噓

下上古帖反音虛

咽

音煙

相貌

下上白字聲

濟限

聲上去

驚愕

各下吾反

揔

反七活

腎

上頻下時忍

深淵

下烏似連

膏肪

反作潭

膽

下音敢

反又恐

作深淵

懸

下烏似連

澹水

徒南反

媯身

正上

音繞

攢火

鑽司

前作沃

焦

子消反也

釜

鼎音父

脊

上音

喘息

軟上尺反

牖

音酉也

窻

摸者上

胡門

反下音莫正也

反尺

音酉也

窻

摸者上

